

達生篇

引痘略

福幼篇

婦科雜症

救迷良方

太乙神威

原书缺页

原书缺页

原书缺页

復歸咎於藥按此數方古今稱為神靈奇寶者尚然如此其他可知送藥者本是美意但知其利不知其害耳或問總無可用之藥乎曰有只須加味芍歸湯佛手散二方用之不盡矣蓋胎時全要血足血一足如舟之得水何患不行惟恐產母血少又或胞漿早破以致乾澀耳今二方皆大用芍歸使宿血頓去新血驟生藥味易得隨地皆有且使身體壯健產後無病直乃有益無損此皆先賢洞明陰陽之理製此神丹以利濟天下後世奈世人貴耳賤目以為平常而不用必求奇怪之藥而用之只要奇怪不論損益豈不可歎

或問依此言世間總無難產耶曰偶亦有之或因產母太虛胎養不足血氣不完或母病傷寒後熱毒傷胎又或因夫婦同房太多以致慾火傷胎平日過食椒薑煎炒熱物火毒傷胎以及跌撲損傷皆致難產多令胎死腹中除此之外無難產者矣又有嚴寒天氣滴水成冰之時貧家房中火氣微薄以致血寒而凍亦令不出然此亦因臨盆太早去衣久坐之故耳若令擁被安卧待時而產豈有此患

兄生產艱難或天寒孩兒生下不哭或已死者急用衣物包裹再用香油紙撚將臍帶慢慢燒斷暖氣入腹漸漸作聲而活倘或先剪斷臍帶則死矣

或問臨產時飲食如何曰此時心內憂疑腹中疼痛甚至精神疲倦口中失味全要好飲食調理但不宜過於肥膩耳倘不能食只將雞鴨湯肉湯之類吹去油渣清頻頻飲之亦能壯助精神人以食為命豈可一日闕乎

宜忌

臨產時宜老成安靜二三人伺候不必多一切親族婦女俱婉言謝却勿令入房 夏月更不宜多人在房熱氣擁盛能令產母煩燥發暈其害非小

房中宜輕言輕語不宜多話令其得睡為妙

第一要勸其放心安靜忍痛歇息切忌在房中大驚小怪交頭接耳咨嗟歎息令其憂疑恐懼擾亂心神以致誤事房中宜安靜如常不得當面求神許願呼天叫地

穩婆只宜一人入房且令在旁靜坐勿得混鬧

飲食宜頻頻少與或雞鴨肚肺等清湯更妙

房中冬天宜設火盆以避寒氣夏月多貯井水以收熱氣仍頻換之

試痛

或問試痛何故曰兒到七八箇月手足五宮全備已能動彈或母腹中有火或起居不時令兒不安以此大動而痛此等十胎而五不足為奇只宜照常穩食安眠一二日自然安靜或痛之不止用安胎藥一二服自止此後近則數日遠則月餘甚至再過三四箇月纔產人多不知輕易臨盆終日坐立不令睡倒或抱腰擦肚或用手托或用藥打生生將兒取出母則九死一生兒則十胎九死慘不可言世間難產皆此故也蓋胎養不足氣血不全如剖卵出雛裂繭出蛹豈可活乎只說小兒難養誰復根究到此又有受寒及傷食腹痛須照症調理難以枚舉不可不知

或問何以知其試痛曰只看痛法一陣緊一陣者正生也一陣慢一陣或乍緊乍慢皆試痛也

或問傷食受寒何以辨之曰傷食者當臍而痛手按之更痛或臍傍有一硬寒痛多在臍下綿綿而痛不增不減得熱物而稍緩是也

或曰試痛亦有或未必多曰甚多曰何以見之曰以今之難產者多也

或問將試痛認作正生其害如此倘將正生認作試痛以致過時不亦有害乎曰無害果當其時小兒自會鑽出縱或過時不過落在褥中生在牀上而已有何大害而如此諄諄乎

驗案

前太僕卿霍山張公三君葆華繼夫人年輕體壯采必八箇月而產產必數日百苦而下生女必週而歿再采再產再歿皆同予謂後當生宜相聞明年又八箇月生草三日不下忽憶予言飛與相召中途逢驅車者云迎其父母作永訣計比至已夜分矣診之脈未離經人餘殘喘穩姿在旁問之曰兒頭已抵產門不得出耳予急令安卧且戒勿擾與安胎藥明晨主人出笑而不言問之曰好了予曰昨言兒頭已抵產門今若何曰不見了大笑而別後此百二十日計十二足月生男謂余為父今八歲矣始知前此皆生生取出母以體壯年輕倖保命耳

在張宅日邑庠程以學選至其家有寵人坐草二日而不生亦與安胎藥越十六日生女

大學戴諱時濟與予比隣契好先是令弟媳一產三男母子俱隕今又婢孕其腹膨脹頗患之比產先令安卧與加味芎歸湯每隔半日而產積日半三子俱生康熙四十八年安撫葉公具

題 陳氏妻生九日夜不下一息尚存踵門求藥余問之亦曰頭逼產門不得出勸令安卧再求取藥強而後去繼

與加味芎歸湯明日生下母子兩全 按此皆產母用力逼令橫在腹中耳豈有人倒懸十日而尚得生者乎

又一婦產兒手出不得入穩婆礪刃以須予見而惻然急令安卧與大劑芎歸湯徐徐托之手入明早生下母子皆

安右臂皆黑數月而後消

臨產需用

草紙 油紙 油燭 炭 醋 生薑圓飯上久蒸人參滾湯炖服其性赤金一帖用圓眼肉七八枚童便每鍾

湯三分薑汁一二匙沖服二寶湯即保胎神效方芎歸湯 佛手散藥料必須揀道地照方製服

保胎

保胎以絕慾為第一義其次亦宜節慾蓋慾寡則心清胎氣寧謐不特胎安且易生育少病而多壽

保胎又宜小勞為妙試看鄉間農婦僕婢下人墮胎甚少以勞故也蓋勞則氣血流通筋骨堅固胎在腹中習以為

常以後雖有些微悶挫不致壞事倘安逸不動則筋骨柔脆氣血不行略有悶挫隨至墮落然非胎後方勞正謂

平日不宜安逸耳若平日安逸及孕後方勞適足損胎何筋骨堅強之有耶夫敬姜百乘之家也老而猶績尋常

富貴年少力強正宜勤事豈可暇逸以自病乎

孕已知覺即宜用布一幅六七寸闊長視人肥瘦約纏兩道橫束腰間直至臨盆之時解去若是試痛仍不宜解此

有二妙胎未長成得此則腰脊有力些須悶挫不致動胎又能常令腹中窄狹及到解開則腹中乍寬轉身容易

此法吾鄉頗有知者特為廣之倘有子腫病者又宜漸次放鬆否則傷胎

有孕從睡時須要兩邊換睡不可儘在一邊要使小兒左右便利手足慣熟則產時中道而出不難矣

用不妨日日食之麻油解毒腐皮滑胎且清且補貧富皆宜先為上品積食一二百張則首生如達矣或以麻

油拌食更妙但麻油不宜熬熟

忌食諸物 椒 薑 煎炒 野味 異味 猪肝 犬 驢 騾 馬 自死肉 猪血 蟹 甲魚 蝦
蟻 鱔魚 勿多飲酒勿亂服藥

又孕妊禁忌 一切軍殺兇惡之事不宜看 修造興工動土不宜看 龜兔俱不宜見

小產

小產者謂胎已墮下之後一切調理並如產後法使產須知云小產不可輕視其將養須過正產十倍可也

薛立齋先生云小產更重於大產蓋大產如果熟自脫小產如生採破其皮殼斷其根蒂也但人往往輕視死者多

矣

小產後數日忽然渾身大熱面紅眼赤口大渴欲飲涼水晝夜不息此血虛之症宜用當歸補血湯以補其血若認

作傷寒而用石膏芩連等寒涼之藥則必死矣方見後

有孕後不可伸手高處取物恐傷胎而子鳴腹中若犯此症但鞠躬片時自安

飲食

保胎藥餌諸書皆載不必再陳但飲食一道殊未之及茲略言之飲食宜淡泊不宜肥濃宜輕清不宜重濁宜甘平

不宜辛熱青蔬白飯亦能養人即在貧家頗為不乏但富貴之人平日肥甘厭足抑令崇儉勢所不堪酌乎其中

臚列如左

宜食諸物 猪肚少用 肺 雞 鴨 鯽魚 淡鯊 海參 白菜 菠菱 笋少 麻油 腐皮二味多用 蓮子

熟藕 山藥 芡實 諸味總宜潔治多用清湯吹去浮油飲之最佳俱宜白煮忌用油煎然此多為膏粱之人

言之耳若藜藿之腹正宜肥甘而潤之何淡泊之有但六七箇月後腐皮麻油二物最宜多

產後

產後調理諸書論之詳矣茲不復贅但取一二喫緊及所未言者存之以備採擇

產後上床宜高枕靠墊勿令睡下膝宜豎起勿伸直隨飲熱童便一盞只宜閉目靜養勿令熟睡恐倦極熟睡血氣

上壅因而眩暈然不宜高聲急叫以致驚恐

四壁宜遮風不問有痛無痛俱用熱童便和熱酒各半每次一杯一日三五次三日而止酒亦不宜多若無大病只是如此不必服藥

產後宜用錢秤錘或溪中白石子燒紅入醋令醋氣入鼻以免血暈且收斂神氣又能解穢每日三四次亦三日止臨產有血暈不醒人事者以此法救之立效

或有惡血衝心血暈昏悶不省人事者用韭菜一把切碎放有嘴壺瓶內以熱醋一大碗灌入密扎口扶起病人以壺嘴向鼻遠熏之或將產婦自己頭髮含口中即愈

生男生女夫命所招蓋百世裡祀以夫家為主與婦人何干倘或連胎生女此亦人事之常不可在旁咨嗟歎息令其氣苦曾見有不明公姑愚蠢夫婿將婦抱怨每每致病傷生可笑可恨凡此只寬慰為主又有將女溺死者忍心害理後嗣不昌

產後各處風俗不同或用紅沙糖或用山查煎水飲之總莫妙於熱酒對童便或腹痛之甚用生化湯一服無不愈者產後三日內急服生化湯二三劑如塊痛未除再服幾劑自能消止

產後遇暑月照前服生化湯以除塊痛外用棉衣溫暖肚腹若失蓋暖雖腹藥其塊痛不散

產後飲食各處不同北五省臨產及產後必食煮雞蛋微俗纔上床即與肥雞乾飯吳俗率與麤粥甚至有彌月而後如輩者習俗移人牢不可破豈知煮雞蛋最難消化難飯滯膩若與胃弱之人是滋其病也產後血氣兩虧如概茹麤粥是益其虛也愚以為當視產婦之脾胃強弱何如耳如胃能納脾能消則用微俗之難飯如胃不能納脾不能消則用吳俗之麤粥而另以補劑調之至煮雞蛋斷不可用或將雞蛋打開攪勻以滾酒沖服猶宜又有飲食失調甚至虛弱發熱咳嗽此大虛也血氣益脫急宜大劑參芪驟補猶可挽回却又謂之產勞且與滋陰降火以致於死而不悟良可歎也

或問必如何調理而後可曰粥時吃粥飯時吃飯三日內只用雞湯吹油澄清飲之未可食雞十日內不可食豬肉一月內不可食豬油以其壅塞經絡令血氣不通耳其餘有何忌乎

雞蛋或有愛食者必要煮極透不妨從朝至暮晝夜不斷火連煮十餘日方可食若糖心雞蛋乃是生物疑帶有人

斷不可吃 鴨蛋不可食

或問食物必要去油取其清耶曰然不但要清且更要淡蓋清淡之味本乎天能生精神濁則否矣

或曰何以驗之曰產婦宜飲淡酒宜食淡味若飲燒酒食物過鹹皆令燒乾無乳此清濁之驗也但不得如吳俗食
糞粥嬌枉過直耳

產後大便或八九日以上不通由血少腸燥故也宜多服生化湯加麻仁以通潤之服當歸川芎至勦數自通矣虛
則加參甚勿用大黃芒硝等藥

產後七日內感傷寒冷物血塊凝結其痛生化湯內加肉桂五六分至半月一月以上凝結痛者宜服補中益氣湯
產後不可獨宿恐致虛驚不可刮舌恐傷心氣不可制盞恐致血逆不可貪酒犯之輕則敗血流經重則血沖致死
須和入童便飲之方妙忌食一切瓜果桃子尤甚七日內不可洗下部十三朝內血氣未平切忌梳洗一兩月內
切忌大喜大怒節飲食均寒暖禁淫慾戒勞碌夏月忌貪涼用扇犯時微若秋毫感病重如山岳可不慎哉

胎死腹中

死胎只宜佛手散服之自下或不下再用平胃散一服加樸硝二三錢能令化下極易耳古人立法各有精義且經
屢驗不吾欺也勿用奇方怪藥以傷母命

或問何以知其胎死曰面赤古青母活子死面青古赤子活母死面古俱青母子俱死况死胎墜脹瘀痛亦與常產
不同

胞衣不下

或問胞衣不下何故曰總是臨盆早之故當產之時骨節開張壯者數日而合怯者彌月方合今不待其開而強出
之故胎出而骨眼隨閉以致胞出不及耳

又曰聞此乃極惡之症可以損命有諸曰不妨不必服藥亦不必驚慌若胞衣不出急用粗麻線將臍帶繫住又將
臍帶雙折再繫一道以微物墜住再將臍帶剪斷過三五日自痿縮乾小而下累用有驗只要與產母說知放心
不必驚慌不可聽穩婆妄用手取多有因此而傷生者慎之慎之

乳少

乳少者血虛之故如產母去血過多又或產前有病以及貧儉之家僕婢下人產後失於調養血脈枯槁或年至四十血氣漸衰皆能無乳但服通乳湯自有乳若亂用穿山甲王不留行等物往往不效即或勉強打通乳汁清薄令兒不壽且損傷氣血產後多病不久便乾反為不美

格言

大全方曰婦人懷孕有七八箇月生者有一年二年乃至四年而後生者不可不知

楊子建十產論可謂詳悉之極予之所論多本於此但惜稍冗匆猝視之安能得其要乎謹錄傷胎一篇亦足以盡之矣

今有未產一月以前忽然臍腹疼痛有如欲產仍却無事是名試月非正產也但未至正產之候切不可令人抱腰產母亦不可妄亂用力蓋兒身未順收生之婦却教產母虛亂用力兒身繞方轉動却被產母用力一逼使兒錯路或橫或倒不能正生皆緣產母用力未當所致凡產母用力須待兒子順身臨逼門戶始用力一送令兒下生此方是產母之用力當也若未至正產之候而用力傷早并妄服藥餌令兒下生譬如握苗助長無益而有害矣此名傷產

薛院使云欲產之時覺腹內轉動即當正身仰睡待兒轉身向下時時作痛試捏產母手中指節或本節跳動方與臨盆即產矣

大旨云大凡生產自有時候未見時候切不可強服催生藥

又云切不可坐草及令穩婆亂動手

朱丹溪先生云催生只用佛手散最穩當又效捷

又云產後以大補氣血為主雖有他症以末治之細繹語意恐人妄用表散而有是言其意雖有表症亦不可忘却補氣血耳

方藥

加味芎歸湯 百試百驗萬應萬靈真神方也 當歸兩川芎錢龜板手大一片婦人頭髮如雞蛋大反水二碗煎

一椀服如人行五里即生死胎亦下 薛云交骨不開者陰氣虛也用此方如神 又云上舍某之妻產門不開

兩日未生服此方一劑即產上舍傳此方用者無不驗

又開骨膏方 災龜板錢大麻子錢麝香分搗為膏貼臍下一寸三分丹田穴交骨即開屢試屢驗

佛手散 治六七箇月後因事跌磕傷胎或子死腹中疼痛不已口噤昏悶或心腹飽滿血上衝心者服之生胎即

安死胎即下又治橫生倒產及產後腹疼發熱頭疼逐敗血生新血能除諸疾 當歸 川芎 水七分酒三分

同煎七分 如橫生倒產子死腹中者加黑馬料豆一合炒焦熟乘熱淬入水中加童便一半煎服少刻再服

平胃散 治胎死腹中 蒼木未甘厚樸姜汁陳皮各錢炙甘草二錢酒一鐘水一鍾煎耗其半投樸硝末錢五再煎

三五沸去渣溫服其胎即化為穢水而出矣若蒼卒間取藥未便只用樸硝錢五以童便溫調下亦效凡貓犬胎死腹中不能下

而生化湯 治產後兒枕痛及惡露不行腹疼等症 全當歸酒洗川芎四錢姜炭五分炙甘草五分桃仁七粒去皮孕

將臨月照方預備二劑俟肚一疼即用水二鍾先煎一劑渣另貼再煎一劑其渣同前渣並煎共汁三鍾和一處

炖熱加黃酒六七匙於一產後未進飲食之時即行服下逐瘀生新永免產症或三兩日內精神疲倦或腹中作

痛再連服二三劑即愈更治產後一切危症無不立安此方與達生湯均係張孟深先生所立救苦良方不論大

小產皆可用 產後諸症總以生化湯為君餘則不過隨症加減而已若惡露已行腹痛已止減去桃仁再多服

數劑不妨 如口渴加麥冬五味 寒痛加肉桂砂仁 傷肉食如山查 傷飯食加麥芽 傷果品加麩裏煨

熟草果數分 傷酸梅加吳茱萸三五分 傷菱肉加生龜板 傷梨及西瓜加肉桂之類

保胎無憂散 大熟地五錢山萸肉二錢益母草錢條黃芩五分麥冬五分生地一錢阿膠錢北五味分藥味甚平奏效

甚速真良方也勿以平淡忽之凡受胎兩箇月服起每日一劑服五十劑止再無小產諸症常服亦妙

安胎方 黃芪蜜杜仲益母草各錢茯苓一錢白木五分阿膠珠錢甘草分續斷分胸中脹滿加紫蘇陳皮各分

下紅加艾葉地榆各錢阿膠膠引用糯米百粒酒二杯水二杯煎 腹痛加急火煎

安胎銀字酒 治孕婦胎動欲墮腹痛不可忍及胎漏下血 苧根二兩如無苧根用茅草根五兩紋銀五兩黃酒碗加水煎之

黑酒 治孕婦腰痛如折 黑料豆二合炒熟白酒一大碗煎至七分空心服

當歸補血湯 大補陰血退血虛發熱如神 黃芪蜜炙一兩當歸蜜炙三錢水二碗煎一椀一服立愈分兩不可加減

華陀愈風散 治婦人產後中風口喎手足抽掣及角弓反張或產後血暈不省人事四肢強直或心頭倒簍吐瀉

欲死 荊芥穗焙乾研末每服三錢童便調服口喎則撬牙灌之蓋喎不研末只將荊芥以童便煎放微溫灌入

鼻中其效如神

千金不易方 治產後十三症 當歸錢二川芎 生地 澤蘭葉 香附醋炒益母草 延胡索各一錢五分如冒風加

防風 天麻錢各一血暈加 五靈脂醋炒荊芥穗炒黑各一錢三四朝後發熱加 炮姜炒人參 黃芪蜜炙各一錢心膈迷

悶加 陳皮 枳殼 砂仁錢各一血崩加 地榆 山梔炒黑丹皮錢各一咳嗽加 杏仁 桑皮 桔梗錢各一瘀血

不行而腹硬加 紅花 枳實 桃仁錢各一此惟腹硬者用之 飲食不進加 山查 麥芽錢各一心神恍惚加

茯神 遠志錢各一脾胃作脹加 白朮 茯苓 蒼朮 厚樸 陳皮 砂仁 枳殼錢各一胎衣不下加 樸

硝仁俱煎服

治產後肉線方 婦人產後設有垂出肉線約長三四尺觸之痛引心腹欲絕者係過於用力或用力太久之故用

老薑三兩連皮搗爛麻油二兩同薑拌勻炒乾先以熟絹四五尺疊作長方式將肉線輕輕盛起盤曲作三團納入產戶

以絹袋盛薑就近熏之冷即再換薑一日夜肉線可縮入大半二日可以盡入切不可令肉線斷斷則難活矣

通脈湯 治乳少或無乳 黃芪生用一兩當歸錢五白芷錢五七孔猪蹄一對煮湯去蹄吹淨浮油煎藥一大椀服之覆面

睡即有乳或未效再一服無不通矣 新產無乳者不用猪蹄只用水酒各一椀煎服前藥

又體壯者加好紅花四五分以消惡露

胎前經驗十七方

保胎神佑丸 此方屢用皆驗凡最易滑胎者一覺有孕合起每日服之自然無事且易產 白茯苓二兩於白朮

一兩米泔水浸 條苓一兩黃 香附一兩童便 延胡索醋炒益母草一兩淨葉工花一兩隔 真沒藥三錢瓦上右

為末蜜丸如桐子大每服七丸白開水下若胎動一日可服三五次決不可多服一丸至喘至喘

保胎丸 淮山藥四兩杜仲三兩續斷二兩共為末糯米糊丸每服三錢米湯下凡胎欲墮者一服即安慣小產

者宜常服之無不保全

神效保產方一名開骨散一名無憂易生散 山陰胡公云此方家傳數十代並無產危小產之患有胎即能安胎臨產即能催生

懷孕者不拘月數偶傷胎氣腰酸腹痛一服即安見紅欲小產者一服即安再服全愈十月滿足臨盆十分危艱

者一服即下甚而橫生逆養六七日不下與嬰兒死於腹中命在須臾者一服即下再懷孕者於七箇月服起七

月服一劑八月服二劑九月服三劑十月亦服三劑臨產服一劑其效如神 當歸一錢五川一錢兔絲子一錢

抹淨荊芥穗八分白芍一錢二分酒炒冬月只用一錢川貝母一錢去心淨為末生黃芪八分厚樸七分薑一分陳蘄艾七分羌活五分枳

殼六分甘草五分水二大鍾生薑三片煎八分預服者空心服如臨產及胎動不安並勢欲小產者皆臨時熱服

如人虛極加人參五分

艾葉固胎方 或胎覺受傷服之即安或素有小產者按期服之永無小產之患此經驗神方也 陳艾葉四錢雞蛋

葷水二大鍾先煎艾葉煎好去淨艾葉將雞蛋去殼入湯內再煎數沸取出連湯食盡連服數日永無小產之患

治胎動將墮危險經驗方 懷生地二兩酒炒二兩砂仁末一兩水一椀黃酒一椀同煎分二次服立愈

膠艾湯 治婦人懷孕後經水又來或生產後下血不絕或懷孕下血腹痛或損傷衝任月水過多淋瀝不斷阿膠

二兩炒二兩艾葉三兩甘草二兩當歸三兩地黃四兩芍藥四兩水五椀酒三椀煮取汁三椀入阿膠烱化陸續服

又膠艾湯 治胎動不安腰腹痠痛或胎上搶心下血腹痛 阿膠一兩始艾葉九以上二味水煎服

羚羊角散 治懷孕數月後忽然中風涎潮愎仆目吊口喎角弓反張名為子癇 羚羊角末錢獨活 防風茯神

芎藭 當歸 桑仁炒杏仁炒薏仁以上八味甘草五加皮引生薑二片水煎服

紫蘇飲 治胎氣不和湊上胸腹脹滿頭痛心腹痛腰脇痛名為子懸由下焦氣寬相火旺盛紫蘇錢當歸錢川

芎 白芍 陳皮 人參 大腹皮以上五味甘草三引薑二片空心服如心腹痛甚者加廣木香元胡索各

三分

上海華章書局印

天仙藤散 治婦人衝素受血風因懷孕而足腫喘悶妨食甚則脚指出黃水名為子氣非水也 天仙藤即青藤微

炒香附炒烏藥 陳皮 甘草炙 右藥五味各等分加紫蘇三葉木香生薑各三片空心煎服或為末鹽湯

調下每日三服

白朮散 治懷孕面目肢體虛附如水狀名曰子腫胎中挾濕水與血搏濕氣流溢故令面目肢體浮腫亦名胎水

原因煩渴引飲過多或泄瀉損傷脾胃脾虛不能制水五六個月多有之 白朮錢一薑皮 陳皮 茯苓皮 大

腹皮以上四味各五分 為末米湯下 指迷方有秦白皮無白朮即五皮飲丹溪除薑皮腹皮川芎木通補中導水行氣

竹葉湯 治懷孕心驚胆怯終日煩悶名曰子煩受胎四五個月相火用事或感夏君火火行俱能乘肺以致煩燥

胎動不安亦有停痰積飲滯於腹膈致令煩燥者 淡竹葉十片 麥冬一錢 茯苓一錢 人參五分 黃苓五分 如或以茯苓

為君無人參有防風如有痰者加竹瀝如相火盛者單知母九君火盛者單黃連九心神不安者硃砂安神丸切

不可作虛煩用梔豉等藥治

紫苑湯 治懷孕數月咳嗽不止胎氣不安 紫苑錢一 天冬錢一 桔梗五分 甘草五分 桑白皮六分 杏仁六分 竹茹四分 水煎入

蜜溫服

安榮散 治子淋心煩悶亂子淋膀胱小腸虛熱也虛則不能制水熱則不能通利故淋心與小腸相表裡故煩悶

亦有因房勞內傷胞門衝任虛者宜八珍湯或腎氣丸 人參五錢 細辛五錢 當歸錢一 甘草錢一 燈草錢五 木通錢三 滑石錢三

麥冬三錢 共為末每服二錢麥冬湯調下

參朮飲 治懷孕轉胞轉胞者胎逼及胞壓在一邊胞絲轉戾急痛漫數或閉也因氣血虛弱痰飲壅滯以致之

當歸錢一 熟地黃五錢 芫花六錢 芍藥六錢 人參錢一 白朮土炒五分 陳皮八分 半夏七分 甘草五分 引生薑二片水煎空心服

此即八珍湯去茯苓加陳皮半夏以除痰也

東胎丸 治妊娠七八月後腹覺過大服之使胎氣斂束易產產母壯盛者宜之 白朮土炒 茯苓七錢 陳皮三兩

黃芩夏月一兩餘月俱用七錢五分 分作五劑水二鍾煎六七分服

治孕婦嘔方 每有婦人受胎二三月後時作嘔病他藥不能治此方最妙 紅棗一枚 肉蔻一枚 生薑二片 水竹茹一

九薑汁炒石方先將紅棗去核將肉菴藏於棗中外夾生薑片用粗紙包裹水浸瀝放柴灰中煨熟去紙放稅中
料爛次取水竹茹煎湯冲服嘔即止

保產育嬰論 嘗聞孕婦之產也每多倉皇失誤深為憫惻何不體天地好生之心急行推已及物之事產婦坐月
每每業殺多命彌月之中供口腹者百計讎親朋者又不止百計也中人數十貧者亦殺數命不思子撫於懷如
珍愛惜物命遭殺豈無慘冤所以多有旬日殤亡多生夭折殺業至害可不戒歟雲棲大師言生子不宜殺生凡
人無子則悲有子則喜不思一切禽畜亦各愛其子慶我子生令他子死於心安乎夫嬰孩始生不為積福而反
殺生造業亦大愚矣此皆習行而不覺其非吾願仁人猛省則臨盆有慶百爾斯男矣

臨產十方

神效達生散 此係仙傳秘方百試百效凡血滯停胞盤腸計墮踏蓮花等種種惡患服之可免尤妙者產時腹中

都不甚痛惟多服始知之或每日或間一日大約以八九帖為率即一二貼亦妙早服多服亦妙能多服者先臨

產二十日服起治產神驗信服無疑倘不及早服產時務須急服之 蘇梗一錢五分當歸一錢五分酒洗白芍二錢川

芎一錢枳殼一錢炒 白木一錢陳皮八分貝母二錢大腹皮一錢黑 葱頭二個河水一椀煎至八分飢時服產時溫

服臨產前一日可加秋葵子炒研末六分同煎此味最妙產時多用一服即生故不敢早用也

濟生湯 此方治臨產艱難或漿胞早破耽延時刻服之亦能結漿 枳殼一錢香附一錢五分甘草七分當歸二錢蘇果

分川芎一錢大腹皮一錢五分 水二種煎一鍾或用水對黃酒煎更好 服之即生

催生如意散 此方胞漿破後腰腹併痛陣陣緊急服此助之生產最速勢如順水行舟也 明乳香一錢雞子一箇

只用蛋清 二味先攪放碗內再用好人參錢煎汁冲入用筷攪勻乘熱服之少頃生產如神如產後則人參萬

不可用恐瘀血補住為害不小

仙傳回急保生丹 此方得之神感用之神驗異常能合送人功德無量 自死龜板一兩麻 通稍懷牛膝一兩白歸

身錢桃仁一錢五分川芎一錢 共為細末臨盆一月內入益母膏二兩每日早米湯調服二錢則臨盆迅速臨盆

時入大紅鳳仙花子九十粒白鳳仙花子四十九粒研極細末米湯調服二錢遲則再服一錢交骨不開者即開

難產者不過三服產後瘀血不淨變生病者或兜枕痛入炒紅麴三錢酒炒馬料豆二合研極細末用童便半杯陳酒半杯調服二三錢即愈 以上按時依方加引調服此仙傳回急保生之金丹也

仙傳通津救命至靈丹 此方治裂胞生及難產數日血水已乾產戶枯澁命在垂危者服之有效 桂圓肉六兩

滋生牛膝梢一兩黃酒浸搗爛 將桂圓肉煎濃汁冲入牛膝酒內服之傳日即產親救數人無不奇驗

異授金克丹 免皮連毛共燒灰存性為極細末用米糊成丸如芡寔大金箔為衣凡生產及胎衣不下無灰黃酒服一丸如再不下再服一丸即產

一臨產四五日不醒人事驗方 明魚膠三錢炒成珠 川貝母七粒 共研為細末用無灰黃酒一椀調勻灌下

胞衣不下 令產婦用自己頭髮稍含口中打一惡心則下矣 一方用灶脚下泥敷臍眼內將甘草一味煎湯服

之即下 又方用蓖麻子四十九粒或與產婦年紀同去殼研塗兩脚心胞衣即下立時洗淨若忘却洗則腸出

可速將蓖麻子洗去急貼頂心縮回其腸俟腸入仍將頂心蓖麻子洗去平穩神效 又方用倒勾塵即標上挂

下塵土尾向上勾者便是男胎四條女胎三條新瓦焙研末黃酒一小杯調服即下

牡丹丸名奪命丹 此方治生產下血過多子死腹中憎寒作冷指甲帶青面色黃黑胎上搶心悶絕欲死冷汗自

出喘滿不食或食毒物誤服草藥傷胎下血胎若未損可以安胎已死即下又或胎衣不下瘀血上衝危險等症

牡丹皮 白茯苓蒸赤芍 桃仁去皮 桂心 以上五味各等分共為細末煉蜜為丸如彈子大每服一丸細

嚼淡醋湯送下連進數丸大效此方平和穩當煩約店立製可也

牛膝湯 治胎衣不下服之胞即化下 牛膝三錢 木通三錢 滑石四錢 黃葵子一錢 當歸一錢 瞿麥一錢 用水二鍾煎一鍾服

產後十四方

回生保命黑龍丹 此方治產後瘀血沁入心脾間命在垂危百藥不救者神驗 五靈脂二兩 全當歸二兩 大生地

二川芎二兩 薑二 以上五味入砂罐內紙筋鹽泥封固煨紅冷取出研細再入後藥 百草霜二錢 乳香二錢 生硫

黃錢真血珀錢 花蕊石錢 右五味同前藥和勻米醋煮麵糊丸如彈子大每服一丸炭火煨丸通紅用生薑汁

浸碎以陳酒童便調服不須二服神效